

mit Stave / mit Wedde / mit Recht / mit Bande / mit Ordell /
vnde mit einen vollenkamen Land Recht / Her Baget lat my
darvpy Delen finden wat recht ys.

Dat Ordell vormahue ick vor den Dingeman / de Delen
finden wat recht ys.

Her Baget / wil gy dat Ordell vnde Land Recht weten /
de wyle dat yuw dat Mack vnde dat forndel gegünnet ys / so
scholt yuwe Worde so sollmächtig syn / gelick dat gy ydt em
affwunnen hadden / mit Lave / mit Stave / mit Wedde / mit
Recht / mit Bande / mit Ordell / mit einen sollenkamen Land-
Recht / ydt gahē dar wider vmmē fort wat recht ys.

Her Baget / wil gy myck wider helpen thom Ordell.

All wat recht ys.

Her Baget / ick begehre Ordell vnde Recht / eines rech-
ten Delen Holsten Recht / wenn ick hir van Dage ein Ordell
schelden scholde / wor ick nicht scholde tydt vnde achterheling
hebben / vth dissen Dingestol / so dyck vnde saken als ick yuw
dit affschede / vnde dat nödig vnde bedarff hadde / Herr Ba-
get lat mick darvpy Delen finden wat recht ys.

Dat Ordell vormahue ick vor den Dingeman / de Delen
vnde finden wat recht ys.

Herr Baget wil gy dat Ordell vnde dat Land Recht we-
ten / wenn gy hir hüt dissen Dag ein Ordell schelden scholden /
man schall yuw tidt vnde achterhaling geven / vth dissen
Dingestol / so dyck vnde saken als gy dat nödig vnde bedarff
hebben / ydt gahē dar wider vmmē fort wat Land Recht ys.

Herr Baget / wil gy mick wider helpen thom Ordell.

All wat recht ys.